

# विन्ध्येश्वरी चालीसा

## ॥ दोहा ॥

नमो नमो विन्ध्येश्वरी,  
नमो नमो जगदम्बा।

सन्तजनों के काज में  
कटती नहीं विलम्बा।

## ॥ चौपाई ॥

जय जय विन्ध्याचल रानी,  
आदि शक्ति जग विदित भवानी।

सिंहवाहिनी जय जग माता,  
जय जय त्रिभुवन सुखदाता।

कष्ट निवारिणी जय जग देवी,  
जय जय असुरासुर सेवी।

महिमा अमित अपार तुम्हारी,  
शेष सहस्र मुख वर्णित हारी।

दीनन के दुख हरत भवानी,  
नहिं देख्यो तुम सम कोई दानी।

सब कट मनसा पुरवत माता,  
महिमा अमित जगत विख्याता।

जो जन ध्यान तुम्हारो लावै,  
सो तुरतहिं वांछित फल पावै।

तू ही वैष्णवी तू ही रुद्राणी,  
तू ही शारदा अरु ब्रह्माणी।

रमा राधिका श्यामा काली,  
तू ही मातु सन्तन प्रतिपाली।

उमा माधवी चण्डी ज्वाला,  
बेगि मोहि पर होहु दयाला।

तू ही हिंगलाज महारानी,  
तू ही शीतला अरु विज्ञानी।

दुर्गा दुर्ग विनाशिनी माता,  
तू ही लक्ष्मी जग सुख दाता।

तू ही जाह्नवी अरु उत्राणी,  
हेमावती अम्बे निर्वाणी।

अष्टभुजी वाराहिनी देवी,  
कटत विष्णु शिव जाकट सेवी।

# विन्ध्येश्वरी चालीसा

## ॥ चौपाई ॥

चौसठ्ठी देवी कल्याणी,  
गौरी मंगला सब गुण खानी।

पाटन मुम्बा दन्त कुमारी,  
भद्रकाली सुन विनय हमारी।

वज्र धारिणी शोक नाशिनी,  
आयु रक्षिणी विन्ध्यवासिनी।

जया और विजया वैताली,  
मातु संकटी अरु विकराली।

नाम अनन्त तुम्हार भवानी,  
बरनै किमि मानुष अजानी।

जापर कृपा मातु तव होई,  
तो वह करै चहै मन जोई।

कृपा करहुं मो पर महारानी,  
सिद्ध करहु अम्बे मम बानी।

जो नर धरै मातु कर ध्याना,  
ताकर सदा होय कल्याना।

विपति ताहि सपनेहु नहि आवै,  
जो देवी का जाप करावै।

जो नर कहं ऋण होय अपारा,  
सो नर पाठ करै शतबारा।

निश्चय ऋण मोचन होइ जाई,  
जो नर पाठ करै मन लाई।

अस्तुति जो नर पढ़ै पढ़ावै,  
या जग में सो अति सुख पावै।

जाको व्याधि सतावे भाई,  
जाप करत सब दूर पराई।

जो नर अति बन्दी महँ होई,  
बार हजार पाठ कर सोई।

निश्चय बन्दी ते छुटि जाई,  
सत्य वचन मम मानहुं भाई।

जा पर जो कछु संकट होई,  
निश्चय देविहिं सुमिरै सोई।

जो नर पुत्र होय नहिं भाई,  
सो नर या विधि करे उपाई।

पांच वर्ष सो पाठ करावै,  
नौरातन में विप्र जिमावै।

निश्चय होहिं प्रसन्न भवानी,  
पुत्र देहिं ता कहं गुण खानी।

ध्वजा नाटियल आनि चढ़ावै,  
विधि समेत पूजन करवावै।

STARZ SPEAK

# विन्ध्येश्वरी चालीसा

## ॥ चौपाई ॥

नित्य प्रति पाठ करै मन लाई,  
प्रेम सहित नहिं आन उपाई।

यह श्री विन्ध्याचल चालीसा,  
रंक पढ़त होवे अवनीसा।

यह जनि अचरज मानहुं भाई,  
कृपा दृष्टि तापर होइ जाई।

जय जय जय जग मातु भवानी,  
कृपा करहुं मोहिं पर जन जानी।

॥ इति श्री विन्ध्येश्वरी चालीसा ॥